



GUREAKek enpresa-praktiketako bekak abian jarri ditu desgaitasuna duten unibertsitateko ikasleentzat

- **Enpresa taldeak ordaindutako 15 praktika aukera eskainiko ditu.**
- **Beka hauen xedea ikasle horien etorkizun profesionala hobetzea da.**

GUREAKek martxan jarri berri dituen bekak desgaitasuna duten Mondragon Unibertsitateko eta UPV/EHUko ikasleei zuzenduta daude. Beka hauen helburua desgaitasuna duten ikasleei kanpo praktikak erraztea eta euren enplegarritasuna eta etorkizun profesionala hobetzea da.

Enpresa taldeak ordaindutako 15 praktika aukera eskainiko ditu, horietatik 10 UPV/EHUko ikasleei zuzenduta eta beste 5 Mondragon Unibertsitateko. GUREAKek egun duen dibertsifikazioari esker, negozio lehiakorrak ditu industria, zerbitzu eta marketing esparrutan, beka jasotzen duten ikasleek beren ikasketekin lotura estua duen postu batean praktikak egiteko aukera izango dute.

Bekak gutxienez elkarren segidako hiru hilabeteko iraupena izango du eta bost hilabetera luzatu ahal izango da. Lanaldi erdiko praktikak izango dira eta 2018ko martxoaren 1etik uztailaren 31 bitartean egingo dira.

Beka jaso ahal izateko ezinbestekoa da %33ko desgaitasuna aitortua izatea eta UPV/EHU edo Mondragon Unibertsitatean ikasten egotea GUREAKen webgunean zehazten diren ikasketetan, eta praktikak hasten diren unean espedienteak irekia izatea ezinbestekoa da.

Bekaren eskaera egiteko epea datorren otsailaren 16an amaituko da. Informazio gehiago jasotzeko ikus www.gureak.com edo deitu 943.000800 telefonora.

GUREAK, gaitasunak lantzen

GUREAK enpresa-taldeak desgaitasuna duten pertsonen zuzendutako lan aukera egonkorak sortu eta kudeatzen ditu. Bere ibilbidea 40 urte baino gehiagokoa da eta denbora honetan Europan erreferente bihurtu den inklusio soziorabialeko eredu enpresariala sortu du.

Egun, 5.500 pertsona baino gehiagok osatzen dute taldea, horietatik %84k desgaitasunen bat dute. Talde sendoa eta dibertsifikatua da eta industria, zerbitzu eta marketineko sektoretan lan egiten du, batik bat.